

مجموعہ ابوالضیا

ماہوار شائبہ سندن دلی تطہیرہ چالش
پر تو حکمت و عرفان ایلہ تنویرہ آتش

علوم و معارف دین بحث ایدرہ و عرفانہ عربی ابتدائیکہ اون بشدہ نشر اول نور مجموعہ فنوندرہ

نومرو ۲۰ جلد ۲ [فی غرہ رجب سنہ ۱۲۹۸] نسخہ می ۳ غروش

نجوم ذوی الاذناب

و پکنی قوروقلی ییلدیز

بر منور قوروقلی ییلدیزك هیئات عمومیه سی رأس تسمیه اولنان بر جسم سخایینك مرکز طوغری تدریجاً متکاثف اتمسبیله (نوات) یعنی چکر دك ذیلان بر نقطه مضییہ ارائه اتمسندن عبارتدر . رأسدن شمسك جهت مقابلنه طوغری ماده* منوره سی کتد کجه قلت عرض ایدر بر سخاب آقندیسی کوریلیر که بوکا دخی (ذنب) دیر .

پك زیاده متکاثف بر نواتی محیط اولان ماده* سخاییه به رأس و یا ظرف سخابی اطلاق ایدیلیر . کواکب ذات الاذنابك قوروقلری عرضاً بالتدریج کسب ازدیاد و ضیالری ایسه رأسدن ذنبه طوغری کتد کجه تناقص ایلیدرک، نهایت هوانك ضیای عمومیه سی داخلنده دومان کپی کوزدن نهان اولور .

یوئک و معلق بر کولله فرض ایدوب ده آنک اطرافندن آشانی به طوغری صارقیلمش اینجه و اوزون بر صیاق تصور ایتسهك عینله درونی محف بر محروط ناقص شکلی حاصل ایدر؛ ایشته قوروقلی ییلدیزك اذنانی دخی عینله او شکل مفروضه بکزر . کولله دن صارقش تصور ایلدیکمز صیاق ایسه ییلدیزه مجذوب بر طاق سخابدن عبارتدر .

بعض نجم کیسودار واردر که نواتسزدر . بعض آخریده کورلشدر که اذنابدن عبارتدر .

قوروق کونشسه تقرب ایتد کجه فوق الغایه اوزانیر . ۴۱ ملیون فرسخ مقداری اوزامش قوروقلر مشاهده اولمشدر . (۱۶۸۰) ده یعنی ایکی یوز بر سنه مقدم کوریلان کوکبک کیسوسی او مقدار اوزونلقده ایدی .

کونشدن تباعد ایلد کجه قوروق قیصه لیر
بزم و عربلرک قوروق تسمیه ایلدیکمز چینلیلر سپور که نامی

و یرو ب یلدیزک کن دیسنه ایسه پرستار سما یعنی کوك سپوروجیسی اطلاق ایدرل؛ شبهه یوق که بو نام و بو عقیده خرافات اولین بقیاتندندر .

حکمای قدیمه قویروقلی ییلدیزلی ارضدن تخر ایدن مواد مشتعلنهک جو هواده اجتماع و ترکیندن عبارت فرض و دائرة الشمسه تقرب ایتدکجه علوریز اشتعال اولدقلرینه زهاب ایدرل ایدی .

بعض کونه اندیشلر ایسه بونلری ارواح اعظمک ظرفی عد ایدرهک بو واسطه ايله عالم بالایه صعود ایلدکلرینه قائل اولورل ایدی .

میلادک بشیوز طقساتجی سنه سننده کوریلان نجم کيسودار اکثر خلق طاله بر یادکار براقشدر؛ او ایسه «خیر اوله !» و «کچمش اوله !» کي هر لسانک شیوه سنه اوبدیریلان تعبیرات تعزیتکارانه در .

چونکه ذو ذوابه مجوٹ عنهاک اطلوغنی متعاقب برصاغین خسته لک ظهور ایش ایدی که اکثر مبتلا لری آقسره رق ترک لباس حیات ایدرل ایدی .

۱۲۶۴ ده ۳ آی قدر مشاهده اولنان نجم کيسودار پاپالردن دردنجی (تورین) ک وفاتی کچمسی غائب اولمش ایدی . او عصرک خلقی ایسه عموماً بو ییلدیزی پایانک روح مقدسنی عالم بالایه چیقارمغه مأمور اولمق اوزره تلقی ایشلر ایدی . ینه بو ییلدیز ۱۵۵۸ ده تکرار ظهور ایتدکده اسپانیا قرالی و آلمانیایمپراطوری اولان مشهور شارلکن بونک طلوغنی کن دیسنک زوالنه عطف ایدرهک، تاج و تختندن فراغت واسپانیاده (استرامادون) مناسترنده اختیار کوشه عزات ایلدی .

۱۵۰۵ - ۱۵۱۶ - ۱۵۳۰ سنه لنده کوریلان ذات الذنب لردخی و قیات عظمایی موجب اولمشلر . یعنی اسپانیانک بیوک فلیپی و قردینان لو قاتولیکی و ایمپراطور ماقسیمیلیانک کریمسی بو تاریخلرده وفات ایشلردر . ۱۴۵۶ ده طلوع ایدن نجم کيسودار فاتحک دور استیلاسنه متصادف اولمغه شرق ایمپراطور لغتک کوکب سلطنتی آنک نجم سطوطیله اقترانشدن

مخفف اولمسیله - حضرت پادشاهك شاهد اقبالی اولق اوزره تلی اولمش ایدی .

حتی بلغرادك محاصره سیله بحارستانك مفتاحی ید تصرف عثمانیه کیمکلی هب بوذو ذوابه نك مقتضیات احکامنه عطف اولندیغندن ، خرسیتانلق طالعہ جدی ویاس افزا برخلخان القا ایلمش ایدی .

۱۸۱۱ دن ۱۲ به قدر کوریلان نجم کيسودار دخی بتون اوروپایه دهشت بخش اولمش ایدی .

شرق خلقی بوصاچلی ییلدیزی روسیه سفریله علاقه دار عدایلدی که بونپار تارك مطیة سطونلری بوسفرده لغزیده خفیه انهرام اولغه باشلامش ایدی .

فرانسزلرک روسیه دن مقهوراً رجعتلرندن صکره ۱۸۱۳ محازبه سی ظهوره کلدی . نهایت واترلو هپسنك اوزریته طوغ ایدی . ناپولیون بونبارت معاصرلینه حیرت بخش اولان اوقدر عظمتلی بر ذکاوت ایله بودرلو عقائد باطله یه معتقد ایدی ؛ نهایت قورقدیغنه اوزرا دی . حتی (سنت ان) ده منی ایکن برنجی دفعه اوله رق طلوع ایدن برنجیم کيسوداری - کندیسنه خبر ویردکلرندن - کورمک ایستهمدی . و برسکینت مایوسانه ایله « قیصرک وفاتی کیمه سیده بویه برنجیم کيسودار کورنمش ایدی . » دیدی . !

کویا اجرام سماویه کندیسنی طائیر و آنکله اشتغال ایدرلر زعم باطلنده ایدی . الک بیوک حیه کارل الک بیوک احقردر دیرلر .

روما امپراطورلرندن وه سپاسین (*) ناپولیوندن بیک قات زیاده ابراز

(*) وه سپاسین رومانك دورشوکتك صوکلرنده کلمش برعقل ذات ایدی . حتی « بر حکمداره فراس استراحتده تسلیم جان ایتمک چسپان اوله رمر . » قولیله حین احتضارنده ایکی نفره قولقلرندن طوندیروب برکید رسمی تماشاسیله مشغول اولدیغی حالده وفات ائیشدر . مشار الیه حقتده مروی اولان فقراتندرکه برکون حضوریندکوزل قوقورله تعطیر اندام ولیاس ایتمش برضابط داخل اولدقده برچهره عتف امیر ایله « عسکره قاریلر

زکات و ایشدرد؛ چونکه ایرانیلرله محارب بولانه جعی صرهده ظهر
ایدن برنجیم کیسوداری خلق محاربه ده ذی مدخل اولمق اوزره اعتقاد
و کندیسنه ترک سفر ایتمکله کنی اخطار ایلدکلرنده . « بنم وظیهدمه دکل .
چونکه تراشیده سرم . عجملرک شاهی دوشونسون که صاچلری نجیم
کیسوداری آندیره جق قدر اوزوندلر . « دیمش و بوسوزیله خلقک نظرینی
دشمنک اوزرینه تحویل ایدهرک عزمنده ثبات ایله نائل ظفر اولمش در .

زمانزده ایسه نجوم ذو الاذناندن برینک کره مزله تصادم ایتمکله
اعتقادی اسکی عقائد باطله نیک یعنی بونلردن نخیلارینه اویدیغی بولده احکام
چیقار انلرک ظنون و اوهایمیرینه قائم اولدی . آنلرک کره به تقریری
ظهورات و خیمیه دلیل عدایدیلور؛ مثلاً احجار سماویه یاغیق، و یاخود
کره مز بیک پاره اولمق، و یا کره مز مدار مخصوصندن چلمک؛ یاخود
ماهتابی کندینه جذب و جلب ایله بزله کرچکدن ظلمت لیلی ادرالک ایتدیر
مک، و حتی بونلرله ده قناعت ایدیلورده کره بی موقع حاضرندن فک ایله زخلدن
اینرویه سوق ایدهرک، بزلی بوزلرجه سنه ل صغوقدن دتره تمک استیلور!.....
هرشیده صنوف رهابین حکم سور مکده در . چونکه عالم جهالتک
هربری بر حکمدار صاحبقرانی یکینان پاپاس افندیلرک ثروت و سلطنتی
ساده دلان اهلینک خوف و هراسه تبعیله فدیة نجاهت مقامنده کندیلرینه
بخش ایتدکلری نزلر، کفارتلر، بهیهدل سایه سند تأمین اولمق قوانین روحا .
نینه نیک ال مقدس واک مهمم . موادندلر . بناء علیه ۱۵ تشرین ثانیسه
کره مز « الوداع » زمزمه سیله رهروجوسما اوله جق ایمش ! زیرا پاپاس
افندیلرک محفوظ محفظه اماناتی اولان کتب اولین ده ۱۸۸۱ سنه سی آخر
عمر ارض ایمش . زیرا ۱۸۸۱ جله سنک الوف خانه سیله احاد خانه سنده کی
ومات خانه سیله عشرات خانه سنده کی رقیلرینک بربرینه مشابه و مساوی

کی عطریات دکل صوغان صامساق قوقوسی یا قیشیر بوتزین ایله مجلس نسوانه کتلیسکر
دیشدر .

بولمقلخی اشراط ساعتند و بناء علیه دلائل قیامتند ایمش یا عجباً ۱۱۱۱ سنه سی
دها زیاده مشعر بلیات اولمغه سزا دگی ایدی . چونکه احادیده، عשרا-
تیده، مأتیده، الوفیده بریویده بر بچمده بر سیاقده وبر قبالده بولنش ایدی.
شبهه یوق ! ا کر بوندن ۷۷۰ سنه مقدم غزته احداث اولنش و کرک زهات
و کرک جدیات و واقعاتند عبارت اولان شؤنات روزمره ضبط و اعلان
ایلدک عادت ایدینلش اولسه ایدی اوزمان دخی بو کبی کفتکولک اوزمانک
طورینه موافق و بر درجه ده ظمطراقلیترینه تصادف ایدیلر ایدی .

ماحصل آمر بقاده انکلترده، فرانسه ده آلمانیا ده و با خصوص پاپا-
سلغک مصدر و مجمعی اولان روماده ساده اندیشان و خصوصاً طائفه
نسوان مستغرق خوف و خلجان و زانو بزمین تضرع اولدقلری حالده
توبه و استغفار ایله طلب عفو یزدان ایتمکده بولندقلری بنه اورالده
باصیلان غزته لرده مطالعه ایلدکده در .

احبابمزدن ایتالیایی بر رسامک روماده بولنان همشیره سندن کلش
بر مکتوب کوردک؛ که غرابنه بناء بعض فقراتی ترجمه و نقل ایلدک . مومی
اینها یازمش که :

« اشبو حزیرانده مشاهده اولنان علامت قیامت یعنی قویر و-
قلی ییلدیز جله مرزی طالمش اولدیغمز بحر شقاوت و ضلالتدن ساحل توبه
و ندامت چیقارمق ایچون بر اشارت هدایت در . عقلن باشمزد و جاغزنمزد
ایکن کناهلرمزه توبه و ابتدکرمزه ندامت و جناب حقک عفو و مغفرتی
استدعایه مسارعیت ایدلم . قرداشم یول یاقلاشدی . کیده جگمز محله ده
مد درسمز بو قدر . کیمسه کیمه بی طایماز . کیمسه کیمه به امداد و اطانه ایتز .
هر کس آنجق نفسنی و آنجق کندیشنی دوشنور . لکن نه قدر دوشنسه
ونه یاپوب نه ایشلسه بر کره او هولناک ، او مظلم عالمه کیرلدکن صکره
قورتیلش بو قدر . بزم کبی عاصیلر او دار ظلمته مشعله هدایتی دردست

ایده من. الی نزهه صالدرسه قرا کلقده آنجق کنندی اعمال ضلالت اشتما.
لندن برینی بقالار. ودردی بر ایکن بردها آرتار.

هایدی! حیاتمک صوگ کونلرندن استفاده ایده من! دعا ایده من!
عفو تمنی ایده من! بوفانی دنیاتک فمالقرندن بری الذمه اولدیغمز حالده عالم
ایدی به آفاق باصه من.

سدرمق حیات ایده جک قدر شی آلی قووبوب، قصور اموال ونقو.
دیمی نزر معاصی و کفارت زنوب اولمق اوزره وافقیرمی اجرا واعترأ.
فانمی استماع ایله معاصیدن طولانی مغفرت الهیهی استعدا ایدن پاپاسه ترک
ایلدیم. بو سببله ایسته دیککز اعانه بی کوندره مدم».

ایشته مکتوبک الک مهم فقره سی الک صوگ جله سیدر زیرا بیچاره قادین
حسن رضاسیله کافه اموال ونقو دینی پاپاس اقتدی به فارغ اولمش.
بو سایه ده غربته بولنان برادرینه بیله اعانه به قدر تیاب اوله مامشدر.

برازده هر جرم سماویدن کره من ایچون بر حصه مصیبت تخیل
ایدنلرله قونوشه من.

۲۸۱ کیله بغدادی وهر کیله بی ۴۰ قیه وهر بر قیه بی بر ملیون دانه
فرض ایده من بو حالده بغدادیمک یکونی ۲۸۱ میلیونه بالغ اولور. بو قدر
میلیون دانه بغدادک درونته بر دانه ده مرچک آتوب جله سنی بر میدان
دوکلش عد ایده من.

ینه فرض ایده من که کوزلرکز باغلی والکرزده ده بر طوپیلی ایکنه
بولنبور. هایدی کورهم سزی! شو طوپیلی ایکنه ایله ۲۸۱ میلیون دانه
بغدا به قارشمش اولان مرچکی صاپلایه بیلیرمیسکز.

اگر شو تکلیفم سزجه ممکناندن ایسه نجم کيسودارک دخی میلیارل.
جه اجرام سماویه ایچنده کور کورینه ومجرد سزک خاطری ایچون
بزم کره مزله چارشمسی دخی ممکندر والا فلا.

بره قارشی ۲۸۱ میلیون کره ادعا ایدرم که بو مصادمه واقع اولیه جقدر.